

HAURRENTZAKO MATERIALA



Ikasturte berri honetarako, amets egiten duen komunitate bat eraikitzea da gure proposamena, eta bat egin nahi dugu Frantzisko aita santuak proposatzen digun irrikarekin eta itxaropenarekin, gizaki guztion artean giza familia handi bat sortzeko, anaitasunaren munduko desira birsortzeko. Amets egiteak etorkizunerako ateak, aukerak eta eraldaketa-bideak irekitzen dizkigu; amets egiteak aukera ematen digu pertsona guztientzako bizitza desberdin eta hobe baten itxaropena sortzeko, irrikatzeko eta proiektatzeko, batez ere horizontez husturiko itxaropena bizi dutenentzat. Ikastaro honetan argi izateko gonbita egiten dugu: izan gaitezen itxaropen-ikur, etxegabetasunaren, langabeziaren, bakardadearen edo gizarte-harremanen gabeziaren aurrean. Komunitate izan behar dugu, eta argi egin behar diogu pertsona guztien duintasun-bideari. Gogoan izan Erromatarrei idatzitako gutuneko hitzak (12, 12) «Bizi zaitezte itxaropenean alai».

I. JARDUERA. Etxebizitza eskubidea

Helburuak:

- Hurrekin lantzea etxebizitza giza eskubide bat dela, eta etxe bat izatea etxebizitza bat izate hutsetik harago doala.
- Itxaropenaren zeinu izan behar dugu pertsonentzat eta, batez ere, egoera kalteberan daudenentzat.

Etxebizitza bat izatea giza eskubide bat da, ez da pribilegio bat, eta ez dago ahalmen ekonomikoaren eta halako baldintza batzuen mende. Eskubide hori bermatuta ez edukitzeak beste batzuk urratzen ditu, hala nola pribatutasunerako, segurtasunerako, osasunerako, gizarte-prestazioetarako, partaidetzarako eta botoa emateko eskubidea.



Etxebizitza guztiak ez dira etxeak; izan ere, badira etxebizitza desagokiak eta ez-segurituak, batzuetan pilatuta bizi dira pertsonak, ez daukate estalita oinarrizko beharrak, ez dute hornidura elektrikorik edo urik, gaixotasunak harrapatzeko arriskuan, indarkeria-giroan... Horregatik eraikiko dugu benetako etxe bat, pertsonak errespetua eta babesa sentituko dituen etxe bat, lasaitasunerako eta atsedenerako, pribatutasunerako, familiarekin eta lagunekin partekatzeko leku bat. Pertsona asko daude etxerik gabe: ez dutelako etxebizitzarik, edo, edukita ere, ez dutelako espazio propiorik (aterpea, etxe partekatua...).



Dinamika:

Materialak: kartela duten orriak, pinturak, errotuladoreak eta etxe bat osa dezaketen elementuak dituzten argazki-ebakinak.

2021eko Gabonetako kanpainaren kartela banatuko dugu, zeina zurian baitago. Saioaren bideratzaileak haurrei eskatuko die amestu ditzatela etxe batek izan behar dituen elementuak, eta, ondoren, haien marrazkiak egiteko eta/edo argazkiak jartzeko (collagea). Argitu behar da ez garela ari etxe bat apaintzeaz, baizik eta etxe bat osatzeaz (familia, goxotasuna, hainbat jardueratarako espazio egokiak, hala nola atsedean hartzeko, zeure burua garbitzeko, zeure intimitatea izateko...). Egin dezagun amets pertsona guztientzako etxeekin.

Zenbait argibide emango ditugu etxebizitza egokia eraikitzeko: segurtasuna, babesa, oinarritzko beharrak estaltzea, gizarte- eta familia-harremanak bermatzeko elementuak.

- Sarrerako atea, txirrina, hesia (segurtasuna eta babesa ematen digute).
- Teilatua (euritik, hotzetik eta berotik babesten gaitu).
- Leihoak (argia eta aireztapen naturala ematen digute).
- Bonbillak eta lanparak (argi artifiziala: nahi dudanean egin ditzaket gauzak)
- Txorrotak, bainuontziak, dutxa, konketa (edateko ur hotza eta beroa: osasungarritasun-baldintzak)
Komuna (ur beltzak: osasungarritasun-, osasun- eta higiene-baldintzak).
- Sukaldea (osasungarritasun-, osasun- eta higiene-baldintzak).
- Logela (intimitatea ematen digu).
- Egongela (bisitak jaso eta lagunekin harremanak izan ditzakegu, haiekin meriendatu, familiarekin egon...).

15 edo 20 minutu utziko dira haurrek beren collageak egin ditzaten eta, ondoren, partekatu egingo dute.

Gogoeta:

Talde osoaren aurreko aurkezpenak egitean, bideratzaileak talde guztietan errepikatzen diren elementuak jasoko ditu. Amaitzen dutenean, gehien errepikatzen diren bospasei elementuak idatziko dituzte.

Jarraian, haurrei galdetuko zaie:

- Zuen ustez, elementu horiek dira etxe bat eraikitzeko garrantzitsuenak?
- Pertsona guztiok etxe duin eta duin bat izateko eskubidea badugu, zergatik uste duzue pertsona batzuek ez dutela etxerik?
- Zer egin liteke pertsona guztiek etxe bat izateko?

Otoitza:

Dinamikarekin partekatu duguna gogoratu dugu eta gure otoitzera eramango dugu.

Esna iraunaraziko nauan ametsa amestu gura dot.

Adiskideei azaltzeko ideiak emongo deustazan ametsa.

Mobimentuan jarriko nauan ametsa amestu gura dot.

Hamaika koloretako ametsa mundu zoriontsuagoa marrazteko.

Oso kutsakorra izango dan ametsa amestu gura dot.

Beste batzuk sustatuko dituan ametsa, neugaz batera amets egin daien.

Ametsa amets egin eta egia bihurtu daitela gura dot.

Danak barne hartuko dituan ametsa,

nire ondoan inor arrotz sentitu ez daiten, Jesus.

Erakutsi deuskuzunez, amets egiteko beti

ez da nahitaezkoa begiak itxi eta lo egitea.

Esna, mobimentuan gagozala, ametsak izan daiguzala,

koloretakoak, kutsakorrak, benetakoak,

danok barruan hartzen gaituanak.

Ez daigula ahaztu gure ametsetako bat

eskuak kolorez bete eta poz-emoile egitea dana.

Amen

Javier Fonseca





#erduteinvito

caritasbi.org

2. JARDUERA. Ametsen erresuma

Helburuak:

- Bizi dugun munduaren gaineko begirada kritikoa garatzea; ondo ez dagoenaz, bidezkoa ez denaz, ona ez denaz jabetzea. Mundu hobea lortzen eta argi- eta itxaropen-zeinu izaten lagunduko duen bizitzeko eta jarduteko moduaren aldeko hautua egitea.
- Elkartasunaren bidez itxaropen-argi izateko gonbidapena da, ilun egiten duen guztia kentzen hasita.

Dinamika:

Ametsen erresuma ipuina banatuko da. Bakoitzak zati bat irakur dezake, edo, bestela, bideratzaileak berak osorik.

Ametsen erresuma ipuina

Ametsen erresuma oso leku garaian zegoen, goi-goian, tontor-tontorrean. Garaiera hartatik, egun argi eta eguzkitsuetan, erraz ikus zitezkeen mundu zabaleko lur eta itsaso guztiak. Ametsen Erresuma hartako biztanlerik zaharrenak, ameslariak deitzen ziren. Alaietan alaiak ziren. Beti pozik, eta, halako alaitasuna izaten zuten beti, ezen izarrek bezalako distira baitzuten begietan. Jakin-min handikoak ziren, biziki erreparatzen zioten guztiari. Asko gustatzen zitzairen han goitik begira-begira egotea, zer gertatzen ari ote zen mundu zabaleko lur eta itsasoetan. Sekulako ikuspegia zuten. Horrexegatik ematen zituzten orduak eta orduak begira. Baina askotan zapuzten zen haien poza, ez baitzitzairen batere gustatzen beren begiekin ikusten zituzten gauza txar guztiak. Hala ere, berehala berreskuratzen zuten poza, amets egiteko ahalmen handiari esker.

Munduko hainbeste lur hautsi eta hondoratuta jende askok jasaten zuen GOSEA ikustean, ameslarien buruak bestelako lurralde batekin egiten zuen amets; paraje haietan, ez zen existitzen «gose» hitza hiztegi bakar batean ere, ahaztuta geratu baitzen hitz haren esanahia, eta historia liburuetan edo historiaurreko museoetan baino ez zegoen jasota.

Munduko hainbat lurralde handi eta txikitan hainbeste jendek pairatzen zuen TXIROBASUNA ikustean, ameslarien burua bestelako lur batekin amesten hasten zen. Mundu hartan, norbait premia-egoeran zen bakoitzean, sekulako alarma-hotsak hasten ziren. Etengabe jotzen zuen alarmak, gau eta egun, eta inork ere ezin zuen lorik egin harik eta norbaitek txiroei duintasunez bizitzen lagundu arte.

Munduko hainbat lurralde garai eta baxutako hainbeste pertsona errugaberengan oinazea eragiten zuen INDARKERIA eta GERRAK ikustean, amets bezalako betetzen zuen ameslarien burua. Amets haietan, sorturiko mina eta kaltea eragiten zituenarengana itzultzen zen, eta hasierako biktimak, berriz, kilimak baino ez zituen sentitzen saihetsetan.

Munduko hainbat lurralde estu eta zabaletan baztertutako eta zokoratutako hainbat pertsonaren TRISTURA eta malkoak ikustean, ameslariak ametsetan hasten ziren. Amesten zuten pertsonak imanak zirela, eta, hainbeste indarrez erakartzen zuten elkar, ezen ezin baitzuten bizi bereizita. Hala, urrun dagoen oro erakartzen zuten.

Munduko lur eta itsaso guztietan naturaren KUTSADURA eta suntsipena ikustean, ametsez betetzen zen ameslarien adimena: basoz eta itsasoz eginiko ospitaleak amesten zituzten, eta pertsonak, txiki-txikitatik, naturaren hizkuntza ikasten zuten, egunero eta gauero hitz egin ahal izateko harekin. Hala, adi-adi entzuten zuten zerk egiten dion min naturari, eta tentu handiz erreparatzen zioten naturak oparitzen duen guztiari.

Ameslariak, han goitik munduko lur eta itsaso guztietan gertatzen zen guztia arretaz ikusi ondoren, ez zuten gehiago begiratu nahi izan. Ezin izan zuten gehiago jasan. Iritsi zen haien ordua. Patxadaz pentsatu ondoren... erabaki irmoa hartu zuten. Ameslariak erabaki zuten...

— Badakizu zer erabaki zuten? Ezetz asmatu? Ameslariak JAIOTZEA erabaki zuten, eta haur bihurtu ziren. Ametsen Erresumatik Lurreko Erresumara jaitsi ziren, beren amets guztiak errealitate bihurtzeko eta mundu hau goitik behera aldatzeko.

José Real Navarro





Gogoeta:

- Zer gauza txar ikusten dituzte Ametsen Erresumako biztanleek lurrean?
- Zein dira ameslariak zituzten ametsak?
- Munduan ikusten dituzunetatik, zein ez zaizkizu gustatzen? (Ipuinean agertzen direnetatik beste arazo batzuk esatera animatuko dira: lanik eza, desberdina izateagatik diskriminatzea...)
- Nolakoa gustatuko litzaizuke izatea? Zer-nolakoa da amesten duzun mundua?
Orriak eta/edo kartoi meheak banatuko zaizkie, amesten duten mundua margotu dezaten.

Mundua margotu ondoren, besteen aurrean erakutsiko eta azalduko dute. Azkenik, honako hau galdetuko zaie:

- Zer has zaitezke egiten edo zer utzi diezaiokezu egiteari, ekintzarik txikiena izan arren, mundu hobe bat lortzeko, zure inguruan, zauden tokian zaudela, zure ametsetako mundu hori posible egiteko?

Otoitza:

Dinamikarekin partekatu duguna gogoratu dugu eta gure otoitzera eramango dugu.

Nire ametsa, zure ametsa, gure ametsa.

Hauxe da nire ametsa: pertsona guztiok kolore alaiz,
biziz, argiz, adiskide, landare eta animaliez beteta,
borroka, garrasi eta gehiegikeria barik,
margotutako mundua.

Mundua, danon etxe izatea gura dot,
ez daitela inor lekuz kanpo, arriskuan, bakarrik,
gosez edo egarriz, bildurtuta edo triste sentitu.

Badakit zure ametsa nirearen antzeko dana,
munduan danek behar dabena izan daiela:
jatekoa, besarkada, etxea edo kili-kiliak;
liburuak, jolasteko edo negar egiteko
leku seguruak, besteek barre egin edo
baloia kenduko deuskuela-eta, bildur ez izateko.

Zure ametsa eta nirea batzen badoguz,
koloreak, jatekoak, adiskideak,
kili-kiliak eta liburuak nahastatuz;
jolasteko, triste gagozanean negar egiteko,
pozik gagozanean negar egiteko alkartzen bagara...,
orduan borrokak eta garrasiak ezabatuko doguz
eta sekula ez gara bakarrik egongo.

Ni egiteko prest nago. Eta zuk, nigaz amets egin gura dozu?

Amen

